

Рабиул аввал: биз бу ой ҳақида нималарни биламиз?



18:07 / 15.09.2023 11910

Бугун, қүёш чиққани ҳамон, биз мусулмон тақвимининг энг аҳамиятли ойи – Рабиул аввалга кириб келдик. Ислом тарихида ушбу муқаддас ойда бутун умматимиз учун энг аҳамиятли воқеа – Аллоҳ яратган барча махлукотларнинг энг шарафлиси ва маҳбуби, У Зотнинг ҳузурида энг мұкаррами ва азизи, бизнинг севимли пайғамбаримиз Мұхаммад соллаллоҳу алайҳи васаллам туғилған – Мавlid ойидир.

Рабиул аввал бу – Аллоҳнинг марҳамати билан мұкаммал күринишда бутун инсониятга ислом динини тарқатған, бутун инсониятга Яратгувчининг энг охирги Элчисини ҳадя этған ой. 40 йилдан кейин Аллоҳ таоло Пайғамбар мавқеини ато этған гүдак Мұхаммад 571 йил Рабиул аввал ойининг 11 ва 12 куни ўртасида туғилған, деб ҳисоблаш қабул қилинған. Расулуллоҳ соллаллоҳу алайҳи васалламнинг бу дунёни тарқ этишлари ҳам шу ойда рўй берган. Биз бугун кутиб олган ушбу муқаддас ойда мусулмонлар учун катта аҳамиятга эга бўлған яна бир қатор воқеалар юз берган. Бу, Расулуллоҳ соллаллоҳу алайҳи васалламнинг ҳижратга йўл олганлари, Пайғамбар соллаллоҳу алайҳи васалламнинг қизлари Руқайя розияллоҳу анҳонинг туғилишлари, биринчи масжиднинг бунёд этилиши ва биринчи жума намозининг ўқилишидир.

Расулуллоҳ соллаллоҳу алайҳи васалламнинг туғилишлари инсониятга ҳадя этилган Аллоҳ таолонинг энг буюк марҳаматларидан бири ҳисобланади. Аллоҳ таоло Қуръони каримда шундай марҳамат қиласи:

«(Эй, Мұхаммад) Биз сени фақат оламларга раҳмат қилиб юбордик» («Анбиё» сураси, 107-оят). Шунинг учун Рабиул аввал ойи Аллоҳ таолонинг бу буюк нейматига саловотлар айтиш ойи ҳисобланади. Рабиул аввал ойи давомида Расулуллоҳ соллаллоҳу алайҳи васалламнинг ҳаёт йўллари ҳақида маъruzалар қилиш, Расули Акрамни улуғлаб салавотлар айтиш билан мажлислар ўтказиш қабул қилинган. Ахир Аллоҳ таолонинг ўзи «Аҳзоб» сурасининг 56-оятида бизларни Пайғамбаримиз соллаллоҳу алайҳи васаллам шарафига саловот айтишга чақиради **«Албатта, Аллоҳ ва Унинг фаришталари Пайғамбарга саловот айтурлар. Эй иймон келтирганлар! Сиз ҳам унга саловот айтинг ва салом юборинг»**. Ушбу ойни ўзингиз учун ўзгача қилинг: Пайғамбаримиз соллаллоҳу алайҳи васалламнинг сийратлари, уларнинг яхши фазилатларини ўрганинг, уларнинг ҳадисларини ўқинг, кўп саловотлар айтинг, кундалик ҳаётингизнинг ҳар бир соҳасида суннатга жон баҳш этиб, ибодатларингизни зиёда қилинг.

Islom.uz портали таҳририяти